

Jon 3

leta aniwai rabuiteğanama ya girumina

¹ Taugu Jon, ekalesia adi badama uma letanama yà girugirumina tam turaguma Gaiyas ġarome. Taugu riukaua yàwai nuapaġoemna.

² Tura kaukauiguma, taugu aubaimma yà moimoiragina da tam tubuġimma verenama be yawayawasaninama sibo ya kenana aruimma maika. ³ Be dà banagama ġesaudima ġarogue a tava be ai variguna da tam Bada kuya katai kae be na riukauama ruvane nama kwawai patutu kauana. Be am yawasanae raġon matabuna riukaua ruvane nama kwa miamiana, vutuna aubainama taugu yàwai nuavere kauana. ⁴ Taugu nam aba tenaġa tokare ei nuaveregu, be deġoda yau sedama Bada na riukauama ruvane nama ta miana, inam vutuna taugu yàwai nuavereena.

Gaiyas noya verenama ya voivoiena

⁵ Gaiyas turaguma, tam noya verenama kwa voivoiena dà banagama ġesaudima aubaidima, avedi da inam banegedima nam ku kataiedina, be yaġoro da kuya sagudina. ⁶ Inam banegidima taudi tam am wainuapaġoe, yaba matabuna kuya voivoiedina ekalesia matedie a giuedina. Verenama da tam inam banegidima adi vaġiae sibo kuya sagudina, nema Mamaitua e ġoegħoena nama. ⁷ Baninama taudi Yesu isanama aubainama ta vaġavāġai naġona, be adi

vaḡaie nam tima ḡoeḡoena da sagu banaga nam waisumeḡidima ḡarodie ta paḡo. ⁸ Vutuna sabine tauda inam nama banegidima sibo dà vadae tēi aninedi be tē sagusagudina. Inam kauidie tauda taudi mate riukaua aubainama tā noya tenaḡana.

⁹ Taugu leta è girumina Mamaitua na damma ḡarodie, be Diotrepas tauname ya kawa saġe be waibada ya ḡoeḡoena aubainama, nam i aninemaina. ¹⁰ Be taugu ḡaromie yā tavana raġanine, tauna nema ewai karakarakutu baki-maina, tokare patare yā giue be tā kataie da tauna nema maika kitana. Be nam inam yabediġa ima voivoiedina, be mate tauna tauwai sumaġa vaġavaġaidima nam sagudima ima ḡoeḡoena. Be mate Kuristen ḡesaudima aitauġa waisagu ta ḡoeḡoena, e riutuaġaiedi be ekalesia nopone be e boruboru dobiġedina.

¹¹ Be tam turaguma Gaiyas inam nama yawasanidima gewegewedima nam kwai tupotupoġanedi, ibewa da yawasana veredima vutudi kwai tupotupoġanedina. Aitau da vere e voivoiedina, tauna Mamaitua ḡaronāma. Be aitau da gewagewa e voivoiedina, tauna Mamaitua nam i kataiena. ¹² Be Demetrias tauna na yawasanae Bada na riukauama ruvane e miamiana. Be inam vutuna ewai maġatarana da tauna banaga verenama. Be yodi banaga matabuna tauna isanama ta kawakawa saġena, be taugu mate tauna yā kawakawa saġena. Be tam kuya kataiena da taugu aba yā giugiuena inam riukaua.

¹³ Yaba toitoi sibo ḡarome è giuedina, be taugu nam ama ḡoeḡoe da uma yabedima letae

yà giuedi. ¹⁴ Be nuaguma e riuriuna da banigomiguma tokare yà verau be uma yabedima yà giuedina.

¹⁵ Suba ġarome naumeki da e kenana. Be dà banagama uma ġarogue tawai kaiwemna. Be taugu Jon mate, dà banagama inam ġarome kwa riuedina matabudi yàwai kaiwedina.

**Vari Verenama
The New Testament in the Dawawa Language of
Papua New Guinea
Nupela Testamen long tokples Dawawa long Niugini**
copyright © 2002 Wycliffe Bible Translators, Inc.

Language: Dawawa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 11 Nov 2022 from source files
dated 9 Oct 2020

9b8bda32-db42-5be3-9d24-4e4a5d5f65b2